Zeitschrift: Nebelspalter : das Humor- und Satire-Magazin

Band: 79 (1953)

Heft: 31

Artikel: Vom Dach gepfiffen...

Autor: [s.n.]

DOI: https://doi.org/10.5169/seals-492491

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 21.11.2025

ETH-Bibliothek Zürich, E-Periodica, https://www.e-periodica.ch

Z Basel an mym Rhy...

Jo persee, dr Rhy, wo in de letschte Joore numme no sone besseri Algeschlyffi gsi isch und zum Himmel gschtungge het - wuerele sage si in dr Braiti, wenn si am Galge steen und eergele und uf e Nase-Schtrich warte -, dä Rhy hättsch miesse gsee in de letschte Wuche! Mai, das het gruscht! D Schpuntewänd vom neie Kraftwärk z Birsfälde obe het er ydruggt. Im Zwyfel hän si dr Sänitätsdiräggter vomene Bankett miesse hole, wo zerscht gsait het, 's sig nyt. Aber nochhär an dr Präßkonferänz hets denn halt doch e paar dausig Fränggli koschtet, und im Große Root, im «Grand Rouge», wie men ebbe sage heert, hän die, wo nit an dr Präßkonferänz gsi sin, interpelliert.

*


A propos interpelliere. Im Große Root brichts mängmool wiene Sychi us, d Interpellationitis. Si rede lang und vyl, vyl zvyl und nit immer grad sehr gscheit. Aber Du sollscht dem Ochsen, der da drischt, das Maul nicht verbinden, au wenn er numme Schtrau drischt, d Regierig ka mängmool doch none Fyrli dermit azinde, ganz bsunders, wenn so Interpellatione bschtellt sin. Das isch zwor bi däre vom PdA-Lehrer Moser nit dr Fall gsi, wo driber lamentiert het, daß in de Schuelinspäktione kaini vo syne Genosse mee z finde sin. Däm het dr Zschokke ebbis verzellt vom Gsetzuslege! Uns längts an däne baar PdA-Schuelmaischter, wo – au wider wägem Gsetz; denn d Lehrer sin zBasel uf Läbeszyt gwäält – unseri Juged erzieh selle. Merci!

*

Vo dr andere Großroots-Kranket, vo dr Kommissionitis will i jetz do nit rede; aber none Wort zem «Bindelidag» im Roothuus. Wenn d Schuel z Änd goot und jede sy Bindeli zwäg macht fir d Ferie, denn macht au dr Regierigsroot sy Bindeli – und was fir e großes – und gheits em Große Root no schnäll vor d Fieß. Do wird alls in e baar Schtund «dr Pulver verhacket», das heißt d Millione usgschittet, daß em Styrzaaler d Ohre waggle. Es isch en Unsitte, e psychologisch Mätzli: denn jede weiß vom andere, daß er jetz in d Ferie will, und so het die regierigsreetligi Ermiedigsschtrategie halt jedes Joor wider Erfolg.

*

In dr dezimierte PdA-Fraktion goots gschpässig zue: dr Arnold hoggt am Bode, das haißt er hoggt aifach wäge syner Red in Budapest, woner in infamer Wys s aige Näscht verdräggt het, dr Bodema krebst im «Vorwärts», wil er dr Redaggter vo dr «A-Z» agaiferet het, und dr Krebs kunnt vorwärts; er isch zum Fraktionschef avanciert. Aber die Kepfig vo dr ganze Nationalroots-Lischte isch



Max Rascher

der tatkräftige Zürcher Verleger feiert am 30. Juli seinen 70. Geburtstag

Zeichnung von G. Rabinovitch

doch en uffglegti Schindluederei. Pletzlig sind alli sibe unufrächte Männli krank oder us irgedemene andere fadeschynige Grund nit in dr Lag, das Mandat, wo dr Arnold verlore het, aznää; numme wil s Politbüro bschlosse het, dr Marino Bodema inezdrugge. Das isch halt ebe die ächti « Volksdemokratie ». Mer wän denn luege, wies no de Ferie-n-usseet.

Vom Dach gepfiffen...

Der Lärm verschlang die Musik; daraus entstand die Musik des Lärms: Sympho-Kakophonie in Töff-Dur mit Solo-Hupe und offenem Auspuff!

*

Mancher möchte etwas sagen und kann es nicht. Mancher könnte etwas sagen und will es nicht. So hören wir meist nur die Vielzuvielen, die nichts zu sagen haben.

Wer die Einsamkeit liebt, ist nie allein.

*

Braucht es ein Frauenstimmrecht, wenn die Männer stimmen und die Frauen zum Rechten sehen?

*

Hat der Mann dort zuhause mehr Recht, wo die Frau stimmt? Oder stimmt es, daß die Frau immer Recht behält? Ach, man soll nicht rechten mit einer sanften Frauenstimme.

*

Wenn die Spatzen zu pfeifen beginnen, verstummt das Lied der Amsel.

spatzolo